

云司乃進禮御薪數札若干枚申賜止申輔命云縱錄稱唯丞命云縱史生共稱唯訖式兵二省錄退出更入自籬東頭就官版以式部錄先申云式部省申久御薪勘了止申訖兵部錄西進就版式部降在東退兵部錄申詞准式部訖式部西進兵部東退辨大夫判云縱錄共稱唯退出更自屏西頭經西舍後升自西側階復座訖辨官史生進開廳北東第一戶即辨大夫退出次三省輔以下依次退出于時所司總設床子食床於廳上辨大夫以下番上以上列立屏外五位以上一列主典以上一列番上一列依次參入立於庭中為謝座酒如常五位以上先升自西階就座六位以下升自西側階就座五位以上東上主典以上東面北上番上在其後所司賜饌并粥訖各退出先是諸司史生持二省所押署移文向主殿寮進之已刻彈正忠并巡察已下主殿寮檢察御薪

〔延喜式十一〕凡大臣以下應進薪數正月十五日下午式部省即辨史及左右史生官掌各一人就宮內省與式部兵部及本司共檢按諸司應進薪數事見式部省歸去其後式部兵部勘造總目申送辨官

〔延喜式十八〕凡諸司諸家去年得考人數并可進薪等勘定正月十五日移宮內省訖更總注考人色目及薪數進官

凡省內雜色每年進薪限一千擔其三百擔分充春宮坊自此以外不得更徵若有違徵者省掌解任永不叙用

〔延喜式十九〕收薪
正月十五日質明輔以下就宮內省檢收諸司畿內進薪事見式部

〔延喜式二十〕十五日○正平旦輔已下向宮內省檢武官薪事見式部

〔延喜式三十一〕凡每年正月十五日辨官及式部兵部會集於省相共檢按諸司所進御薪訖省丞錄各

一人率史生二人就主殿寮檢按御薪數并好惡其行事諸司給粥并酒食

〔延喜式三十八〕十五日○正勤御薪之日設辨官并三省輔已下座於宮內省廳上設式兵二省座於西

〔延喜式三十八〕十五日○正勤御薪之日設辨官并三省輔已下座於宮內省廳上設式兵二省座於西